

გ ა ნ კ ა რ გ უ ლ ე ბ ა №-----

2022 წლის -----აპრილი

ქ. წყალტუბო

არასამეწარმეო (არაკომერციული) იურიდიული პირის „წყალტუბოს მუნიციპალიტეტის
კეთილმოწყობისა და დასუფთავების გაერთიანების“ მიერ
2021 წლის მე-4 კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ა(ა)იპ „წყალტუბოს მუნიციპალიტეტის კეთილმოწყობისა და დასუფთავების გაერთიანების“ ანგარიში 2021 წლის მე-4 კვარტალში გაწეული მუშაობის შესახებ (თან ერთვის).

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „წყალტუბოს მუნიციპალიტეტის კეთილმოწყობისა და დასუფთავების გაერთიანების“ ანგარიში 2021 წლის მე-4 კვარტალში გაწეული მუშაობის შესახებ.
2. ა(ა)იპ „წყალტუბოს მუნიციპალიტეტის კეთილმოწყობისა და დასუფთავების გაერთიანების“ მიერ 2021 წლის მე-4 კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრამის ქ. №11).

მოამზადა

მეორადი სტრუქტურული ერთეულის

ხელმძღვანელი

მ. ბერაძე

შეთანხმებულია

აპარატის უფროსი


კომისიის თავმჯდომარე

გ. თათარაშვილი

რ. დიდავა



ს ა ქ ა რ თ ვ ე ლ ო
არასამეწარმეო (არაკომერციული)
იურიდიული პირი
„წყალტუბოს მუნიციპალიტეტის კეთილმოწყობისა
და დასუფთავების გაერთიანება“



წერილის ნომერი: 14-4822105150
თარიღი: 15/04/2022
პინი: 0952

ადრესატი: წყალტუბოს მუნიციპალიტეტის საკრებულო

გადაამოწმეთ: document.municipal.gov.ge

წყალტუბოს მუნიციპალიტეტის საკრებულოს თავმჯდომარეს
ბატონ თეიმურაზ ჭეიშვილს

ა(ა)იპ „წყალტუბოს მუნიციპალიტეტის კეთილმოწყობისა და დასუფთავების გაერთიანების“ სამსახურის
ანგარიში

2021 წლის IV კვარტლის გაწეული საქმიანობის შესახებ

წყალტუბოს მუნიციპალიტეტის მერის მიერ 18/02/2020 წლის N 31 601 ბრძანების
არასამეწარმეო (არაკომერციული) იურიდიული პირის „წყალტუბოს
მუნიციპალიტეტის კეთილმოწყობისა და დასუფთავების გაერთიანების“
დაფუძნებისა და წესდების დამტკიცების საფუძველზე მოხდა ა(ა)იპ „წყალტუბოს
მუნიციპალიტეტის დასუფთავების“ (ს/კ 421268023) და ა(ა)იპ „წყალტუბოს
მუნიციპალიტეტის კეთილმოწყობის ცენტრის“ (ს/კ 421271670) შერწყმა და
ჩამოყალიბდა ა(ა)იპ წყალტუბოს მუნიციპალიტეტის კეთილმოწყობისა და
დასუფთავების გაერთიანება“ (ს/კ 421277772).

სამსახური ეწევა ქალაქისა და მუნიციპალიტეტის განსაზღვრული ტერიტორიების (ქუჩები და მოედნები) დაგვა-
დასუფთავებას, ანახვეტისა და საყოფაცხოვრებო ნარჩენების ქალაქგარეთ სპეციალურ ნაგავსაყრელზე გატანას,
აგრეთვე განსაზღვრულ ტერიტორიებზე ნაგვის ბუნკერების განთავსებას. სამსახური ყოველდღიურ საქმიანობას
ახორციელებს თხოვების ფორმით გადმოცემული ხუთი საბუნკერე და ორი მცირე თვითმცლელი სპეცავტომანქანით,
რომლებზეც თვეში საშუალოდ იხარჯება მინიმუმ 5500 და მაქსიმუმ 6000 ლიტრი დიზელის საწვავი. მეზოვეების
მიერ ყოველდღიურად, დილა-სალამოს, იგვება ქალაქის ქუჩები და მოედნები. სამსახურის სამოქმედო ტერიტორიაზე
(ქვიტირი-ფარცხანაყანევის, კოპიტნარის, ბროწეულას, ვარციხის, გუმბრინის, ბანოჯის, გეგუთის, პატრიკეთის,
ტყაჩირის, ოფშკვითის, საყულიის, ქვილიშორის, ჩუნეშის, ხომულისა და გვიშტიბის) განთავსებული ნაგვისშემკრები
კონტეინერებიდან და საერთო საცხოვრებლების ბუნკერებიდან ყოველდღიურად ხდება დაახლოებით 25-მდე ტონა
საყოფაცხოვრებო და სამეურნეო ნარჩენების გატანა. ყოველდღიურად იწმინდება გზების და გზატკეცილების
მიმდებარე ტერიტორიები. კერძოდ, პრომეთეს მღვიმის მიმდებარე ტერიტორია, წყალტუბო-ქუთაისის გზატკეცილის
მიმდებარე ტერიტორია სათაფლიის ნაკრძალის ჩათვლით, ქუთაისი-ხონი-მაღლაკის მონაკვეთის ცენტრალური
მაგისტრალის მიმდებარე ტერიტორია, მაღლაკი-სალიის გზის მონაკვეთი, ქუთაისი-კოპიტნარის ცენტრალური
მაგისტრალის მიმდებარე ტერიტორია აეროპორტის ჩათვლით.

2021 წლის IV კვარტლის მდგომარეობით, მუნიციპალიტეტის მასშტაბით ჩატარდა შემდეგი სახის
დასუფთავების ღონისძიებები, კერძოდ: ქვიტირის ცენტრალური სასაფლაოს გაწმენდა; სამაკაშვილის ქუჩის
მიმდებარე ტერიტორიის დასუფთავება; გოგებაშვილის-გამსახურდიას და თერნალის სასაფლაოს ტერიტორიის
დასუფთავება. ახალი ნაგავშემკრები კონტეინერების განთავსება პარკში და ქალაქის მიმდებარე ტერიტორიაზე;
პირველი საშუალო სკოლასთან არსებულ ტყეში ხელოვნური ნაგავსაყრელის გასუფთავება; ცენტრალური პარკის,
ცივი ტბის და ლტოლვილთა დასახლების შიდა და მიმდებარე ტერიტორიის დასუფთავება. ქუთაისი-წყალტუბოს
დამაკავშირებელ გზაზე სპეც. ტექნიკის და მუშა ხელის დახმარებით გაწმენდითი სამუშაოები ჩატარდა.
რეგულარულად მიმდინარეობს პლასტმასის ბოთლების შეგროვება.

სამსახური მომსახურებას უწევს მუნიციპალიტეტის განსაზღვრული ტერიტორიებისა და დასახლებების გამწვანება-
განაშენიანებას, ახორციელებს მუნიციპალურ საკუთრებაში მოქცეული კომუნალური და კეთილმოწყობითი
კომუნიკაციების მართვა-მოწესრიგებას, ცივი ტბის და მისგან მომდინარე არხების მოვლა-პატრონობას, სანიაღვრე
ქსელების, გარე განათების, დეკორატიული განათების სრულფასოვანი ფუნქციონირების უზრუნველყოფას და
სხვადასხვა კეთილმოწყობით სამუშაოს.

2021 წლის IV კვარტალის მდგომარეობით, შესრულდა ძირეული და დაზიანებული ჭადრის ხეების გადამღვითი

ქ.წყალტუბო რუსთაველის ქ. N 25 ბ. 577 61 68 72 e-mail: ketilmockobadasuptaveba@gmail.com

სამუშაოები: წყალტუბოს სასულიერო გიმნაზიისა და იუსტიციის სახლის, გეგუთის ახალი საჯარო სკოლის და ცენტრალური პარკის მიმდებარე ტერიტორიაზე, წყალტუბო-ჭუთაისის დამაკავშირებელი ცენტრალურ გზა გასუფთავდა თოვლისგან დაზიანებული ნაძვის ხეებისაგან. ყოველდღიურად ხორციელდებოდა შემოვლითი სამუშაოები მოხეტიალე პირუტყვის აღკვეთის მიზნით. დაირგო კავკასიური სოჭი 16 ძირი ლიბერთი ბანკთან, 18 ძირი სპორტის სასახლესთან, 24 ძირი თერნალში, 13 ძირი საკონცერტო დარბაზ ივერიასთან და 14 ძირი დედაენის ქუჩაზე. ტუია სმარავდა დაირგო სამხედრო სანატორიუმის მიმდებარე ტერიტორიაზე 32 ძირი და საკონცერტო დარბაზ ივერიასთან-34 ძირი.

სამსახურის საშტატო განრიგი განისაზღვრება 207 თანამშრომლით, მათ შორის ადმინისტრაცია - 25 ; გარე განათება - 16, გამწვანება-განაშენიანება - 63, დასუფთავების და ნარჩენების მართვა - 74, ცენტრალური პარკი- 21, წყალარინების სისტემა და სანიადვრე არხი -8.

ბიუჯეტის ათვისება 2021 წლის IV კვარტალში მოხდა შემდეგნაირად:

ხელფასის მუხლში გახარჯულია 258265 ლარი, ასევე სოციალური დახმარება (ბიულეტენის სახით) გაცემულია 1252 ლარი.

საკანცელარიო, საწერ-სახაზავი ქაღალდის, საბუღალტრო ბლანკების, ბიულეტენების, საკანცელარიო წიგნების და სხვა ანალოგიური მასალების შეძენისათვის გახარჯულია 1059 ლარი.

კავშირგაბმულობის ხარჯი (ადგილობრივი ტელ. ინტერნეტი და ფიჭური კავშირგაბმულობის ხარჯი) - ათვისებულია 1826 ლარი.

კომუნალური ხარჯებისათვის (ელექტროენერგიისა და წყლის ხარჯი) - ათვისებულია 1224 ლარი.

რბილი ინვენტარის, უნფორმის შეძენის და პირად ჰიგიენასთან დაკავშირებული ხარჯი -ათვისებულია 2840 ლარი

საწვავ-საპოხი მასალების შეძენისათვის - ათვისებულია 94465 ლარი.

მიმდინარე რემონტის ხარჯებისათვის - ათვისებულია 86306 ლარი.

ექსპლუატაციის, მოვლა-შენახვის და სათადარიგო ნაწილების შეძენის ხარჯისთვის (საბურავი, რეცხვა, ავტომანქანის ტექ. დათვალიერება და ტრანსპორტის დაქირავების, გადაზიდვა-გადაყანის ხარჯი) - ათვისებულია 8680 ლარი.

სხვა დანარჩენ საქონელსა და მომსახურებაზე გაწეული დანარჩენი ხარჯი - ათვისებულია 656 ლარი.

დავით იობიძე

ა(ა)იპ წყალტუბოს მუნიციპალიტეტის კეთილმოწყობისა და დასუფთავების გაერთიანება-ა(ა)იპ დირექტორი

გამოყენებულია კვალიფიციური
ელექტრონული ხელმოწერა/
ელექტრონული შტამპი

